

Inatsisartut aalajangiinissaannut siunnersuut, nunatta karsiata kukkunersiuiinnermut ataatsimiititaani allattutut suliat Nuna tamakkerlugu Kukkunersiuisoqarfimmit Nunap Kukkunersiuisuanit pisortaqaartumit taarserneqassasut, soorlu Naalagaaffeqatigiinnermi allani taamaattoqartoqartoq, tassa Savalimmiuni Nuna tamakkerlugu Kukkunersiuisoqarpoq Danmarkimilu Naalagaaffik Kukkunersiuisoqarluni. Ilanngullugu siunnersuutigineqarpoq, Inatsisartut Kukkunersiuiinnermut Ataatsimiititaani ilaasortat siunissami qinersivik pineqartoq tamaat atuuttussanngorlugit qinerneqartassasut, ataatsimiititaliarlu taaguuserneqassasoq ”Inatsisartut Kukkunersiuisui”.

(Inatsisartunut ilaasortaq Andreas Uldum, Demokraatit)

Akissuteqaat

(Aningaasaqarnermut Naalakkersuisoq)

Siullermeerineq

Inatsisartunut ilaasortap Andreas Uldumip aalajangiiffigisassatut siunnersuutaanut naalakkersuisut oqaatigiumasaat inassuteqaataallu naalakkersuisut sinnerlugit matumuuna saqummiutissavakka.

Siunnersuut marlunnik sammisaqarpoq. Sammineqartoq siulleq tassaavoq nunatta karsiata naatsorsuutaasa kukkunersiorneqartarnerisa aaqqissuussivigineqarnera, sammineqartup aapparaa kukkunersiuiinnermut ataatsimiititap piffissaq qinigaaffiata sivisussusia. Kukkunersiuiinnermi suliat aaqqissuussivigineqarnerat pillugu apeqqut arlalinnik Naalakkersuisut oqaaseqarfignavaat.

Nunap karsiata naatsorsuutaasa pisinnaatitaaffeqarluartumit arlaannaannullu pituttugaanngitsumit oqartussaaqatigiinnermi kukkunersiorneqartariaqarnerannik siunnersuuteqartup soqutiginninnera Naalakkersuisut soorunami isumaqatigaat. Taamaattumik apeqqut taamaallaat unaavoq, tamanna qanoq ililluni pitsaanerpaamik akiminullu naleqquttumik qularnaarneqarsinnaava.

Ukiuni aggersuni kikkut nunap karsianut kukkunersiuisuussanersut Kukkunersiuiinnermut Ataatsimiititaliap ullumikkut Inatsisartunut inassuteqaateqarfignarsarpaa. Tamanna pereeraangat nunap karsiata kukkunersiuisussaa, suliassaqaarfinnik tamanik Inatsisartut kontoi eqqaassanngikkaanni kukkunersiuisartoq Inatsisartunit qinerneqartarpoq. Inatsisartut siulittaasoqarfiata toqqarsimavaa nammineq kukkunersiuisoqarnissani, taamaattumik Inatsisartut taakkulu suliffeqarfiisa kukkunersiuiinnermut allattaavii Inatsisartut Siulittaasoqarfiannit suliareqartarput.

Dansk Rigsrevisioneniat qarasaasiakkut nittartakkamini allappoq:

”Nunat tamangajammik kukkunersiuiinnermut pingaarnerullutik oqartussaasoqarput naalakkersuisoqarnerup aamma inatsisartoqarnerup akornanni inatsit tunngavisoq malillugu suliassanik agguataarinnermut ikorfartuutaasumik. Kukkunersiuiinnermut oqartussaasut inatsit tunngavisoq malillugu eqqartuussisutut piginnaaneqartitaasut, naalakkersuisut imaluunniit inatsisartoqarnerup ataaniitinneqarnerisooq assigiinngisitaarfivoq. Taamaattoq nunani tamat

oqartussaaqataatillugit naalackersugaasuni kukkunersiuinermut oqartussaasut nammineertuunerat tamatigut qularnaarneqarsimasarpoq, kukkunersiuissullu oqartussaaqatigiinnermi nakkutilliinissamut aamma sunniuteqarluartumik peqqusersuitsumillu ingerlatsisoqarnissaanut qularnaarsueqataapput.”

Nammineertuuneq taanna Danmarkimi qularnaarneqarpoq Naalagaaffiup kukkunersiuissui pillugit inatsisikkut, inatsisartoqarnikkullu ataatsimiititaliaq, Statsrevisorit, namminerisamik allattoqarfeqarpoq pingasunik sulisulimmik. Tamatumuunakkut Statsrevisorit inatsisartoqarnikkut ataatsimiititaliatut aamma Rigsrevisionen, inuussutissarsiutigalugu pituttugaanani kukkunersiuinermik isumagisaqartoq, akornanni erseqqissumik immikkooruteqarpoq. Inatsisartunut ilaasortap siunnersuutaatigut kukkunersiuissut pituttugaanngitsut Inatsisartut Kukkunersiuinermut Ataatsimiititaanut aamma allattoqarfiussapput, tamannalu naleqqutinngilaq.

Naligiittut suleqatigiinnissamik isumaqatigiissuteqarnermut atatillugu Namminersornerullutik Oqartussat atuukkallarmata kukkunersiuissarnerat EUp misissuataarsimavaa. Nunap karsiata naatsorsuutaasa pituttugaanngitsumik tatiginartumillu kukkunersiorneqartarneri EUmik ippigisassaqaratik.

Taaakkua saniatigut inatsisartut aalajangiiffigisassaattut siunnersuutip aningaasaqarnikkut sulisoqarnikkullu kingunerisassaanut naalackersuisut oqaatigiumasaqarput.

Sulisoqarnermut tunngasut pillugit sulisussanik akademikerinik atorfinitsitsiniarneq ajornakusoortorujussuuvoq inunnillu kukkunersiuinerup iluani ilinniagaqarsimasunik atorfinitsitsiniarneq ajornaasavilluni. Naalackersuisut paasissutissiissutigisinnaavaat danskit Rigsrevisionianni sulisorisat 71 procentii akademikeriusut, 10 procentii kukkunersiuissutut ilinniagaqarsimasut 19 procentiilu allaffimmiutut ilinniagaqarsimasut.

Kukkunersiuinermik suliassaqaarfimmi suliatigut tupinnaannartumik ineriartupiloorneqarpoq ineriartornermilu tamatumani malinnaajumalluni kukkunersiuissunik naalagaaffimmit akuerisaasunik aalajangersimasutigut ilinniaqqinnissat piumasaqaataapput. Kukkunersiuissunik naalagaaffimmit akuerisaasunik Inatsisartut atorfinitsitsissappata inuup taassuma suliatigut pisariaqartumik malinnaajuarnissaa, matumanittaaq suliatigut naammattunik naapitaqartarsinnaanissaa, naatsorsuutigineqareertariaqarput.

Inatsisartunut ilaasortap siunnersuutigaa naalackersuisut ataanni kukkunersiuissut Kukkunersiuissutut atorfinitsinneqarumaartup ataanut nuunneqassasut. Tassunga naalackersuisut paasissutissiissutigisinnaavaat Intern Revisioni inunnik sisamanik sulisoqartoq. Piffissap Intern Revisionimit atorneqartup affaa kukkunersiuartornermut atorneqartarpoq. Piffissap affaata aappaa suliassanut qanoq pisoqaraluarpuunniit naalackersuisut allaffeqarfianni, matumanittaaqnaalackersuisoqarfinnut, aqutsisoqarfinnut suliffeqarfinnullu siunnersuineranut, statuspostinik nakkutilliinermut kiisalu økonomisystemip pisassaqaarfigisaanut nalunaarsuiffiata malinnaasinneqarneranut atorneqartarpoq. Suliassat tamakku naalackersuisut isumaat malillugu kukkunersiuissumut Inatsisartunit atorfeqartinneqartumut tunniunneqarsinnaanngillat.

2010-mi kukkunersiuissunut avataaneersunut 1,5 mio. kr.-it naalackersuisut atorsimavaat. Taakkununga ilanngunneqassapput inunnut marlunnut ukiumut akissarsiarititat 0,7 mio. kr.-inut naapertuuttut imaluunniit katillugit 2,2 mio. kr.-it intern revisionimut atorneqartartut. Naleqqiussissutitut oqaatigineqarsinnaavoq savalimmiuni Landsgrannskoðanin ukiumut 5,1 mio. kr.-inik missingersuuteqartoq. Allatut oqaatigalugu maani nunatsinni suliassaq tamanna naammassisarparput killilimmik qaffasissusilimmik akissaajaateqarluta.

Kukkunersiuinermut ataatsimiititap atorneranut Inatsisartut aningaasartuutaat kiisalu ataatsimiititap akissaajaatai allat tamanut saqqummiunneqarsimannngillat. paasissutissiissutigineqarsinnaavoq danskit Statsrevisorii inuit arfiniliusut allattoqarfiat ilanngullugu ukiumut 6,2 mio. kr.-inik missingersuuteqartut.

Nunatta karsia taarsigassarsinissaminik pisariaqartitsileriaataarsinnaavoq. Tamanna pissappat Nunatta karsiata kukkunersiorneqartarnerata aningaaserivinnit qanoq isummerfigineqarnera pingaaruteqarpoq. Maannakkut aaqqissuussinerup, tassalu Nunap karsiata naatsorsuutai kukkunersiuusut suliffeqarfimmit nunani tamalaani iluarisaasumit isumagineqarluni, siunnersuutigineqartutut ilusilimmik taarserneqarneratigut aningaaseriviit qanoq tatiginnissinnaatiginerat apeqqutaalersinnaavoq.

Isummersornerit taakku aallaavigalugit ilaatigut kukkunersiuusut Naalakkersuisut ataanniikkunnaarnissaasa, ilaatigullu kukkunersiuinerup ingerlanneqartup pitsaassusaata qularnaarnissaat pillugit inatsisartunut ilaasortap Andreas Uldumip kissaatigisai aallaavigalugit nutaamik immaqalu akisunerusumik aaqqissuussinissaq Naalakkersuisut pisariaqartuutinngilaat.

På den baggrund vil Naalakkersuisut gerne indstille, at punktet overgår til udvalgsbehandling i Landstingets Revisionsudvalg forud for 2. behandling af punktet.

Tamanna tunngavigalugu Naalakkersuisut inassutigerusuppaat, suliassaq aappassaaneerseqartinnagu Inatsisartut Kukkunersiuinermut Ataatsimiititaliaannut suliassanngortinneqassasoq.